

# DIREKSIE EN LEDE van komitees

## Nie-uitvoerende direkteure



**J P Rupert (73)**  
Voorsitter

**Aangestel:**  
18 Augustus 2000

**Direkteurskappe:** Mnr Rupert is die voorsitter van Compagnie Financière Richemont SA en die voorsitter van Reinet Investments Manager SA, die bestuursmaatskappy van Reinet Investments S.C.A. Hy het ekonomie en maatskappyreg aan die Universiteit Stellenbosch studeer en het 'n uitgebreide loopbaan in internasionale sake, bankwese en finansies. Nadat hy vir Chase Manhattan Bank en Lazard Frères in New York gewerk het, het hy Rand Aksepbank Beperk in 1979 gestig. In 1985 het hy by die Rembrandt Groep aangesluit. Hy is die ontvanger van eredoktorsgrade in die regte, ekonomie en handel. Hy het gedien as kanselier van Universiteit Stellenbosch vanaf 2009 tot 2019 en is voorsitter van die Vredesparkestigting. Hy is die voorsitter van die beleggingskomitee en vergoedings-en-nominasiekomitee.



**J Malherbe (67)**

**Aangestel:**  
11 Oktober 2006

**Direkteurskappe:** Mnr Malherbe is 'n direkteur van Compagnie Financière Richemont SA, Pension Insurance Corporation Group Beperk en Reinet Investments Manager SA. Hy het as geoktrooieerde rekenmeester gekwalifiseer en vir die voorgangerfirma van PricewaterhouseCoopers gewerk voordat hy in 1985 by Rand Aksepbank Beperk aangesluit het en sluit in 1990 by die Rembrandt Groep aan. Hy is 'n lid van die beleggingskomitee.



**P J Neethling (38)**

**Aangestel:**  
28 November 2019

**Direkteurskappe:** Mnr Neethling dien as alternatiewe direkteur vir mnr J J Durand op die direksie van RCL Foods Beperk. Hy was 'n beleggingsbestuurder in die korporatiewe finansieringsafdeling van Remgro Bestuursdienste Beperk, 'n volfiliaal van Remgro Beperk en het uitgebreide besigheidservaring opgedoen deur 'n aantal ander direkteurskappe. Hy het 'n BComm (Hons) graad in Finansiële en Beleggingsbestuur aan die Universiteit Stellenbosch behaal. Mnr Neethling is 'n alternatiewe lid vir mnr J P Rupert op die beleggingskomitee.



**A E Rupert (35)**

**Aangestel:**  
29 November 2018

**Direkteurskappe:** Mnr Anton Rupert dien sedert 2017 as nie-uitvoerende direkteur op die direksie van Compagnie Financière Richemont SA en is 'n lid van laasgenoemde se strategiese sekuriteit en nominasiekomitee. Hy het waardevolle insig ten opsigte van veranderende verbruikersgedrag in digitale bemaking en web-gebaseerde handel en het sedert 2009 omvattende blootstelling aan die groep se besigheids.

## Onafhanklike nie-uitvoerende direkteure



**S E N De Bruyn (51)**

*Hoof onafhanklike  
direkteur*

**Aangestel:**  
16 Maart 2015



**F Robertson (68)**

*Ondervoorsitter*

**Aangestel:**  
28 Maart 2001

**Direkteurskappe:** Me De Bruyn is medestigter van Identity Capital Partners Eiendoms Beperk, 'n beleggingsmaatskappy wat deur vroue gelei word. Sy het 21 jaar ondervinding as 'n direkteur van maatskappye en het gedien op die direksies van FirstRand Beperk, Anglo American Platinum Beperk, OUTsurance Group Beperk en Discovery Beperk. Sy is tans 'n nie-uitvoerende direkteur van RMB Holdings Beperk. Sy was voorheen 'n trustee van die Nasionale Bemagtigingsfonds en 'n lid van die presidensiële werkgroep oor SEB. Sy is tans 'n lid van die presidensiële adviesraad vir beleggings. Me De Bruyn het bygedra tot die debat oor die bemagtiging van vroue, SEB, transformasie, privatisering en die ekonomie deur publikasies, artikels en onderhoude. Sy is voorsitter van die oudit-en-risikokomitee en 'n lid van die maatskaplike-en-etiese komitee, die vergoedings-en-nominasiekomitee en die strategiese ESG-komitee.

**Direkteurskappe:** Mnr Robertson is ondervoorsitter van die Remgro Raad en is 'n lid van die oudit-en-risikokomitee, die vergoedings-en-nominasiekomitee en die beleggingskomitee. Hy is uitvoerende voorsitter van Brimstone Investment Corporation Beperk en is ook voorsitter van Sea Harvest Group Beperk. Mnr Robertson dien as nie-uitvoerende direkteur op die direksie van Aon Re Africa Eiendoms Beperk en hy dien ook as trustee van die Laureus Sport for Good Foundation in Suid-Afrika, asook van die Distrik Ses Museum. Hy is die ontvanger van 'n eredoktorsgraad in filosofie van die Universiteit van Wes-Kaap.



**T Leoka (44)**

**Aangestel:**  
22 Maart 2023



**N P Mageza (68)**

**Aangestel:**  
4 November 2009

**Direkteurskappe:** Dr Leoka is 'n ekonoom en stigter van Naha Advisory, 'n ekonomiese konsultasie- en adviesmaatskappy. Sy is verbonde aan die Finance for Development Lab, 'n navorsingsinstituut gebaseer by die Paris School of Economics. Sy werk al meer as 22 jaar vir verskeie organisasies in die finansiële sektor. Sy het haar loopbaan as ekonoom vir die Investec Africa Fund and Emerging Markets-span in Londen en Suid-Afrika begin. Sy het as ekonoom van opkomende markte by Barclays Capital in Londen en hoof van navorsing in Suid-Afrika by Standard Bank gewerk en toe verskuif na Renaissance Capital waar sy die hoof-ekonoom van Suid-Afrika was. Dr Leoka het na die verkoopskant verskuif waar sy 'n uitvoerende direkteur by Argon Batebestuur was. Sy is in 2019 aangestel op die presidensiële ekonomiese adviesraad. Sy dien ook op die raad van Statistiek Suid-Afrika en is die voorsitter van hul ekonomiese komitee.

**Direkteurskappe:** Mnr Mageza was voorheen die hoof bedryfsbeampte van die Absa Groep. Hy is 'n geëkspertiseerde gesertifiseerde rekenmeester en 'n genoot van die Vereniging van Geëkspertiseerde Gesertifiseerde Rekenmeesters (VGGR) VK, sowel as 'n direkteur van verskeie maatskappye, insluitende RCL Foods Beperk en Sappi Beperk. Hy het wye ervaring opgedoen in talle uitvoerende poste in die oudit-, finansiële dienste- en die vervoer- en logistiekesektore. Hy is 'n lid van die oudit-en-risikokomitee en die maatskaplike-en-etiese komitee.

Dr Leoka het 'n PhD in Ekonomie en 'n MSc in Ekonomie en Ekonomiese Geskiedenis van die London School of Economics en 'n MA (met onderskeiding) van die Universiteit van die Witwatersrand. Sy was aangewys as die Ekonoom van die Jaar vir 2017 deur The Association of Black Securities and Investment Professionals. Sy skryf vir verskeie publikasies beide in Suid-Afrika en internasionaal.

## Onafhanklike nie-uitvoerende direkteure (vervolg)



**P J Moleketi (66)**

**Aangestel:**  
4 November 2009

**Direkteurskappe:** Mnr Moleketi was die voormalige adjunkminister van finansies van die Republiek van Suid-Afrika en LUR vir finansiële en ekonomiese sake in die Gauteng-provinsie. Hy is ook direkteur van verskeie maatskappye wat op die JSE Beperk genoteer is. Hy is die nie-uitvoerende voorsitter van PPC Beperk. Hy beskik oor nagraadse kwalifikasies in ekonomie en bestuur van die Universiteit van Londen en die Harvard Besigheidskool en het wye internasionale ervaring, strategiese leierskapkwaliteite en in-diepte korporatiewe bestuurservaring in beide die openbare en privaatsektor. Hy is 'n lid van die oudit-en-risikokomitee en die vergoedings-en-nominasiekomitee.



**M Morobe (66)**

**Aangestel:**  
18 Junie 2007

**Direkteurskappe:** Mnr Morobe was die nasionale direkteur van die "Programme to Improve Learning Outcomes (PILO)" tot 2020, 'n pos wat hy in 2013 beklee het na 'n sewe-jaar termyn as hoofuitvoerende beampte van die destydse JSE genoteerde Kagiso Media Beperk. Hy het 'n loopbaan van 51 jaar wat strek oor die wêreld van studenteaktiwisme, vakbondwese, werk in die nie-regeringsektor, politiek, die openbare sektor, bewaring en die korporatiewe sektor. Mnr Morobe, wat altyd op soek is na nuwe uitdagings, is in 1994 aangestel as die eerste hoofuitvoerende beampte en voorsitter van die Finansiële en Fiskale Komitee. Daarna, vanaf 2004 tot 2006, het hy as hoof van kommunikasie by die presidensie aangesluit. Hy het verskeie raadsfunksies beklee, beide in die nie-regerings- en privaatsektor, onder andere die Raad van Hoër Onderwys (1999 – 2000); voorsitter van die Suid-Afrikaanse Nasionale Parke Raad (1999 – 2005); voorsitter van Ernst & Young (SA) (2001 – 2005); voorsitter van Johannesburg Behuisingsonderneming (2003 – 2006). Tans, is mnr Morobe voorsitter van Wispeco Holdings Eiendoms Beperk, dien hy as 'n nie-uitvoerende direkteur van RMB Holdings Beperk, OUTsurance Group Beperk, TotalEnergies Marketing South Africa Eiendoms Beperk en is hy 'n trustee op die direksies van die DG Murray Trust en die Rothschild Stigting. Hy is die voorsitter van die maatskaplike-en-etiesekomitee en die strategiese ESG-komitee.



**G G Nieuwoudt (47)**

**Aangestel:**  
28 November 2019

**Direkteurskappe:** Mnr Nieuwoudt is die stigter en die besturende vennoot van Southern Right Capital. Hy dien as 'n direkteur van die Accumulus Funds, 'n Cayman-gebaseerde vrygestelde maatskappy. Voorheen was hy direkteur van Alternative Investment Solutions by Edmond de Rothschild Capital Holdings, Londen en die besturende vennoot en portefeuljebestuurder by Silver Creek Capital UK LLP. Hy is 'n CFA Charterholder en het 'n BComm graad in Wiskunde aan die Universiteit Stellenbosch. Hy is 'n lid van die beleggingskomitee.



**K S Rantloane (42)**

**Aangestel:**  
30 November 2020

**Direkteurskappe:** Mnr Rantloane is die stigter van Ata Capital en is tans 'n direkteur van Rain Group Holdings Eiendoms Beperk, Southern African Venture Capital and Private Equity Association, SLG Eiendoms Beperk, Masana Petroleum Solutions Eiendoms Beperk, Imbewu Capital Partners Eiendoms Beperk en 'n trustee van die Click Stigting. Voorheen was hy hoof van skuldkapitaalmarkte by Deutsche Bank AG, Johannesburg. Hy het sy loopbaan begin by Rand Aksepbank Beperk en het gedien as uitvoerende assistent vir die hoofuitvoerende beamptes van FirstRand Beperk en FirstRand Bank Beperk. Hy het 'n BSc (Hons) graad aan die Universiteit van Kaapstad behaal en 'n FRM-aanwysing van die Global Association of Risk Professionals. Hy is 'n lid van die beleggingskomitee en die strategiese ESG-komitee.

## Uitvoerende direkteure



### J J Durand (56)

*Hoofuitvoerende beampte*

BRek (Hons), MPhil (Oxon), GR(SA)

Diensjare by die groep: 27



### M Lubbe (53)

*Nakoming en korporatiewe maatskaplike beleggings*

BA

Diensjare by die groep: 29

**Direkteurskappe:** Mnr Durand is in Mei 2012 as die hoofuitvoerende beampte van Remgro aangestel. Hy het op die direksies van verskeie onderliggende beleggings van Remgro gedien en is tans voorsitter van RCL Foods Beperk en OUTsurance Group Beperk. Hy dien ook op die direksies van Heineken Beverages Holdings Beperk, Namibia Breweries Beperk en Mediclinic Group Beperk. Voorheen, het hy in die groep gedien as Remgro se beleggingshoof, sowel as finansiële direkteur en hoofuitvoerende beampte van VenFin Beperk. Hy is 'n lid van die beleggingskomitee.

**Direkteurskappe:** Me Lubbe is in September 2016 as uitvoerende direkteur van Remgro aangestel en is verantwoordelik vir nakoming en korporatiewe maatskaplike beleggings van die maatskappy. Sy dien op die direksies van Remgro Beperk se volfiliale en is tans voorsitter van Historiese Huisse van SA Beperk. Sy dien as 'n nie-uitvoerende direkteur op die direksies van Business Partners Beperk, Capevin Holdings Eiendoms Beperk en Wispeco Holdings Eiendoms Beperk. Sy is 'n lid van die Remgro strategiese ESG-komitee.



### N J Williams (58)

*Hoof finansiële beampte*

BComm (Hons), GR(SA)

Diensjare by die groep: 29

**Direkteurskappe:** Mnr Williams is in April 2016 as die hoof finansiële beampte van Remgro aangestel en het op die direksies van verskeie onderliggende beleggings van Remgro gedien. Hy dien tans op die direksies van Air Products South Africa Eiendoms Beperk, Business Partners Beperk, eMedia Investments Eiendoms Beperk en TotalEnergies Marketing South Africa Eiendoms Beperk. Hy het voorheen in die groep gedien as Remgro se hoof van korporatiewe finansies en ook as hoof finansiële beampte van VenFin Beperk. Hy is 'n lid van die beleggingskomitee.

Remgro se doelwit om **“die toekoms te help skep en 'n vennoot in Suid-Afrika se welvaart”** te wees, bly die dryfkrag vir die waardegedrewe besigheid wat dit is.

## Lede van komitees

### • Oudit-en-risikokomitee

• S E N De Bruyn (voorsitter), N P Mageza, P J Moleketi, F Robertson

### • Vergoedings-en-nominasiekomitee

• J P Rupert (voorsitter), S E N De Bruyn, P J Moleketi, F Robertson

### • Beleggingskomitee

• J P Rupert (voorsitter), J J Durand, J Malherbe, P J Neethling (alternatief vir J P Rupert), G G Nieuwoudt, K S Rantloane, F Robertson, N J Williams

### • Maatskaplike-en-etiesekomitee

• M Morobe (voorsitter), S E N De Bruyn, P R Louw, N P Mageza, P J Uys

### • Bestuursraad

• J J Durand (voorsitter), P R Louw, M Lubbe, P J Uys, N J Williams

### • Strategiese ESG-komitee

• M Morobe (voorsitter), S E N De Bruyn, M Lubbe, K S Rantloane, P J Uys